

Broj: 101- 3589/19 DŽS *hrc*

Zenica, 27.02.2019. godine

Na osnovu člana 72., stav 3. tačka b) Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o dodjeli okvirnog sporazuma drugorangiranom ponuđaču

Član 1.

Okvirni sporazum za javnu nabavku u postupku dodjele okvirnog sporazuma za nabavku ličnih i zaštitnih sredstava dodjeljuje se drugorangiranom ponuđaču RM Company d.o.o. Zenica, a prema ponudi broj: 716-1977/19 od 04.02.2019. godine, za ponuđenu cijenu u iznosu od 85.034,00 KM, bez PDV-a, a nakon što odabrani prvorangirani ponuđač, u ostavljenom roku, nije dostavio plombirane uzorke i odgovarajuće certifikate o ispitivanju materijala, što je u tenderskoj dokumentaciji tačka 1.m) i tačka 12. predviđeno kao sastavni dio ponude.

Član 2.

Ovom Odlukom stavlja se van snage Odluka o izboru najpovoljnijeg ponuđača broj: 101-2693/19 DŽS od 14.02.2019. godine.

Član 3.

Prijedlog okvirnog sporazuma dostavit će se na potpis izabranom ponuđaču nakon isteka roka od 15 dana, računajući od dana dostavljanja ove Odluke svim ponuđačima, ukoliko izabrani ponuđač ispuní obaveze najpovoljnijeg ponuđača, odnosno uslove propisane tenderskom dokumentacijom.

Član 4.

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

Član 6.

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-344/19 BS od 11.01.2019. godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 90.000,00 KM.

Dana 13.02.2019. godine je održana e-aukcija ponuda prihvatljivih ponuđača, nakon koje je, prema kriteriju „najniža cijena“ za najpovoljnijeg ponuđača izabran ponuđač KOTEKS d.o.o. Tešanj.

Slijedom toga, ugovorni organ je dana 14.02.2019. godine donio Odluku o izboru najpovoljnijeg ponuđača broj: 101-2693/19 DŽS, koja je dostavljena svim ponuđačima-učesnicima u postupku.

Dana 16.02.2019. godine na protokolu ugovornog organa, pod brojem: 716-3085/19 zaprimljen je dopis ponuđača KOTEKS d.o.o. Tešanj u kojem se potvrđuje da im je dana 14.02.2019. godine dostavljena gore navedena Odluka, kao i Zapisnik o ocjeni ponuda, broj: 716-2691/19 od 14.02.2019. godine, te Obavještenje o rezultatu postupka javne nabavke, broj: 716-2694/19 od 14.02.2019. godine.

U prilogu dopisa ponuđač je, u skladu sa tenderskom dokumentacijom, a u vezi sa članom 45. Zakona o javnim nabavkama, blagovremeno dostavio Uvjerenje da nije pod stečajem, niti predmet stečajnog postupka kao ni predmet likvidacije; Potvrdu da protiv pravnog lica, odgovornog i ovlaštenog lica nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca; Uvjerenje o izmirenim obavezama po osnovu doprinosa, PIO/MIO, zdravstvenog osiguranja i osiguranja od nezaposlenosti i Uvjerenje o izmirenim obavezama po osnovu indirektnih poreza.

Ponuđač KOTEKS d.o.o. Tešanj je, u skladu sa tenderskom dokumentacijom, u ponudi koja je ocijenjena najpovoljnijom dostavio Izjavu da će, u roku od deset dana od dana dostavljanja odluke o izboru, a prije potpisivanja okvirnog sporazuma, dostaviti plombirane uzorke i odgovarajuće certifikate o ispitivanju materijala koji sadrže opise neophodne za identifikaciju ispitivanog uzorka zaštitne opreme koja je predmet nabavke, kao i kopije certifikata traženih standarda za svu zaštitnu opremu za koju ne treba dostaviti uzorke.

Izabrani najpovoljniji ponuđač KOTEKS d.o.o. Tešanj u predviđenom roku nije dostavio tražene kopije certifikata za svu zaštitnu opremu za koju ne treba dostaviti uzorke, kao ni plombirane uzorke, te se ponuda, u skladu sa tenderskom dokumentacijom, smatra nepotpunom i ne može biti uzeta u razmatranje.

Slijedom navedenog, ugovorni organ je postupajući u skladu sa članom 72., stav 3., tačka (b) Zakona o javnim nabavkama okvirni sporazum dodijelio drugorangiranom ponuđaču, kao što je i navedeno u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Direktor:

Emir Pašalić
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Služba zaštite od požara
- 3 x Članovima Komisije
- 1 x Sekretar Komisije
- 1 x a/a